

# Odluka o komunalnom redu

## ZAKONSKE ODREDBE



**Općina Tešanj**  
[www.opcina-tesanj.ba](http://www.opcina-tesanj.ba)

“ U prirodi nema ni nagrada  
ni kazni, imaju samo  
posljedice. ”

**PRIRUČNIK ZA GRAĐANE**

*Ovom odlukom regulirana su prava, dužnosti i obaveze građana, preduzeća i drugih organizacija pri održavanju komunalne higijene, komunalnog reda, održavanja i uređivanja javnih zelenih površina i javnih saobraćajnih površina, javne rasvjete, ostalih komunalnih objekata, dotrajalih zgrada i drugih objekata, te pijaca na području općine Tešanj.*

## ODRŽAVANJE KOMUNALNE HIGIJENE

Komunalnim otpadom smatraju se sve vrste otpadnih materija koje nastaju kao posljedica životnih aktivnosti i to:

- 1. smeće na javnim površinama,**
- 2. kućno smeće,**
- 3. krupni otpad**
- 4. ostali otpad.**

*Smećem na javnim površinama* smatraju se svi otpaci koji se zateku na tim površinama.

*Kućnim smećem* u smislu ove odluke smatraju se čvrsti otpaci koji nastaju u stanovima, zajedničkim prostorijama stambenih zgrada, poslovnim prostorijama, garažama, dvorištima, a koji se po svojoj veličini mogu odlagati u posude za smeće. Kućnim smećem ne smatraju se: zemlja, otpaci i ostaci građevinskog materijala, šljaka, podrumsko, dvorišno i tavansko smeće u većim količinama, kao i drugi krupni otpaci koji nastaju u procesu industrijske, zanatske, građevinske, poljoprivredne ili druge proizvodnje i sl.

*Krupnim otpadom*, u smislu ove odluke, smatraju se čvrsti otpaci koji nastaju u stanovima, zajedničkim prostorijama stambenih zgrada i poslovnim prostorijama, a koji se po svojoj veličini, količini ili postanku ne smatraju kućnim smećem u smislu prethodnog člana, a naročito: kućanski aparati, pokućstvo, sanitarni uređaji, kartonska ambalaža u većim količinama ili većih dimenzija, olupine vozila i sl., te njihovi dijelovi i otpaci građevinskog materijala i šuta u manjim količinama.

*Krupni otpad* odvozi se u dane koje odredi preduzeće, odnosno pravno ili fizičko lice kome je povjereno vršenje ovih poslova.

*Ostalim otpadom*, u smislu ove odluke, smatra se otpad iz zanatskih i industrijskih pogona koji nije kućno smeće prema ovoj odluci a nije ni opasni otpad prema Zakonu o zaštiti okoliša.

## KAZNENE ODREDBE

Član 9. stav 3

**Svi vlasnici, odnosno korisnici stambenih i poslovnih prostora, kao i privremeno zauzetih javnih površina dužni su učestvovati u organizovanom odvozu smeća i plaćati mjesečno naknadu na ime prikupljanja i odvoza smeća nadležnom preduzeću.**

*Novčanom kaznom u iznosu od 50,00 do 200,00 KM kaznit će se građanin ukoliko ne postupa u skladu sa navedenim članom.*

Član 12. stav 3

**Za novosagrađene objekte i novootvorene prostore, posude za smeće nabavlja investitor, odnosno korisnik poslovnog prostora. Korisnici posuda za smeće dužni su iste prati, dezinfikovati najmanje dva puta godišnje, te održavati u ispravnom stanju a dotrajale posude zamijeniti novom. Novu posudu za zamjenu dotrajale i neupotrebljive posude za privremeno odlaganje smeća dužan je nabaviti vlasnik posude-korisnik komunalne usluge na zahtjev pružaoca komunalne usluge ili komunalnog inspektora.**

*Novčanom kaznom u iznosu od 50,00 do 200,00 KM kaznit će se građanin ukoliko ne postupa u skladu sa navedenim članom.*

Član 15. stav 1 i 2

Korisnici odvoza kućnog smeća dužni su sakupljeno smeće pažljivo odlagati u posudu za smeće, tako da se ono ne rasipa i ne prlja okolni prostor. Posude za kućno smeće moraju biti zatvorene.

Zabranjeno je oštećivati posude za kućno smeće, ulijevati u njih tekućine, bacati žeravicu ili vrući pepeo, bacati ostatke životinja, građevinski materijal, glomaznu ambalažu, dijelove kućnog namještaja i sl.

Novčanom kaznom u iznosu od **50,00 do 200,00 KM** kaznit će se građanin ukoliko ne postupa u skladu sa navedenim članom.

Član 19.

U cilju održavanja i zaštite životne sredine i komunalne čistoće na javnim površinama, zabranjeno je:

1. bacati papire i druge otpatke van korpi i posuda za smeće, u korita i na obale vodotoka ili na drugi način stvarati nečistoću na javnim površinama i javnim objektima,
2. koristiti javne površine za smještaj robe, ambalaže, motornih vozila i drugih stvari, izuzev kad to dozvoli nadležni organ u skladu sa propisima,
3. koristiti javne površine za prodaju bilo kakve robe ili obavljanje druge privredne djelatnosti, bez odobrenja nadležnog općinskog organa uprave,
4. ispuštati i usmjeravati otpadne vode i drugu prljavštinu na javne površine ili na njima držati smeće, zemlju, otpatke, građevinski materijal i sl.,
5. uništavanje, uklanjanje i oštećivanje ograda, te upotreba zelenih i javnih površina u druge svrhe,
6. prati teretna i putnička motorna vozila, zaprežna vozila, motocikle i sl, osim na za to određenim mjestima,
7. rezati i cijepati drva, razbijati ugaj, deponovati građevinski i drugi materijal,
8. istovarati ili utovarati materijal ili parkirati vozila na mjestima na kojima se nalaze ulični hidranti, šahtovi, slivnici, prolazi, pristupni putevi, staze i slično,
9. obrađivati ili servisirati motorna vozila i obavljati druge zanatske radove na površinama javnog saobraćaja i drugim javnim površinama u vidu zanimanja,
10. parkirati teretna, putnička i ostala vozila, osim na za to određena mjesta,
11. gaženje, uništavanje, oštećivanje i zagadivanje parkova, zasada, zelenih i cvjetnih površina, kao i uređaja i predmeta koji se nalaze na tim mjestima,
12. odlagati kom (ostatke od pečenja rakije, pekmeza, slatka i slično) u blizini stambenih objekata, u vodotoke i na sva druga nedozvoljena mjesta,
13. svako prebiranje i prekopavanje po smeću,
14. na obalama vodotoka i u vodo-tokove odlagati smeće, zemlju, građevinski otpad, zguru i pepeo i bilo koji drugi otpad koji ometa normalan protok vode ili narušava estetski izgled okoline.

Novčanom kaznom u iznosu od **50,00 do 200,00 KM** kaznit će se građanin ukoliko ne postupa u skladu sa navedenim članom.

Član 20.

Prevoz ogrjeva, građevinskog materijala, industrijskih i drugih otpadaka, kabaste ambalaže, fekalija, drugih tečnosti može se vršiti sa vozilom koja su za tu svrhu podešena, tako da se materijal prilikom prevoza ne rasipa.

Novčanom kaznom u iznosu od **50,00 do 200,00 KM** kaznit će se građanin ukoliko ne postupa u skladu sa navedenim članom.

## Član 21.

Istovar i utovar ogrjeva, građevinskog materijala i drugog materijala i robe, može se vršiti na javnim saobraćajnim površinama kada za to ne postoje druge površine u kom slučaju se istovar i utovar mora obaviti brzo i bez odlaganja. Poslije svakog istovara i utovara organizacija ili pojedinac koji to obavlja, dužni su odmah ukloniti ambalažu, otpatke i nečistoću na mjesto određeno za odlaganje.

Novčanom kaznom u iznosu od **50,00 do 200,00 KM** kaznit će se građanin ukoliko ne postupa u skladu sa navedenim članom.

## Član 22.

Prilikom izvođenja radova na javnim površinama, izvođač je dužan da obezbijedi da se zemlja ne rasipa, a ostali građevinski i drugi materijal da se drži u sanducima ili ogradama. Pri izvođenju radova na fasadama izvođač je dužan postaviti zaštitne zavjese od jute ili sličnog materijala.

Novčanom kaznom u iznosu od **50,00 do 200,00 KM** kaznit će se građanin ukoliko ne postupa u skladu sa navedenim članom.

## Član 23. stav 3

Šut, zemlja, otpadni materijal i slično koji nastaju poslije rušenja starih i dotrajalih zgrada i izgradnje nove zgrade, moraju se ukloniti i prevući na mjesto-deponiju koju odredi nadležni općinski organ uprave.

Novčanom kaznom u iznosu od **50,00 do 200,00 KM** kaznit će se građanin ukoliko ne postupa u skladu sa navedenim članom.

## Član 25. stav 1

Korisnici i vlasnici stambenih i poslovnih objekata na području općine Tešanj ne smiju spaljivati, uništavati ili zakopavati kućno smeće, niti ga smiju odvoziti i deponovati, ukoliko za to nemaju odgovarajuću saglasnost Komunalnog preduzeća.

Novčanom kaznom u iznosu od **50,00 do 200,00 KM** kaznit će se građanin ukoliko ne postupa u skladu sa navedenim članom.

## Član 26.

Građani i drugi korisnici, odnosno vlasnici objekata na području općine koje nije obuhvaćeno Programom komunalne higijene moraju ukloniti kućno i drugo smeće i to na organizovan način.

Dvorišta oko stambenih, poslovnih i drugih objekata, moraju se držati čista i uredna.

Na području obuhvata iz stava 1. ovog člana, strogo je zabranjeno bacanje smeća i drugih otpadnih materija na obale, u korita, u vodotoke, u blizini objekata za snabdjevanje vodom, te na sva druga mjesta koja nisu predviđena za odlaganje otpada.

U dijelovima grada kao i naseljenim mjestima na području općine Tešanj, a koja nemaju pristupne puteve, odnosno gdje se ne odvozi smeće putem tipske posude, građani, vlasnici i korisnici poslovnih prostora su dužni sami prikupljati smeće u odgovarajuće PVC vreće nadležnog preduzeća, donositi ga i deponovati na mjestu koje odredi Mjesna zajednica uz pribavljanje mišljenja općinskog organa uprave nadležnog za komunalne poslove i organa inspekcije.

Intenzitet odvoza smeća sa područja iz stava 4. Ovog člana, određuje nadležno preduzeće u dogovoru sa mjesnim zajednicama.

Novčanom kaznom u iznosu od **50,00 do 200,00 KM** kaznit će se građanin ako vrši radnje suprotne navedenim članom.

## Član 30.

**Preduzeća, samostalni privrednici, institucije, kao i građani, dužni su da pri korištenju ulica, trgova, slobodnih površina, gradskog zelenila, poslovnih objekata i drugih komunalnih objekata na području općine, postupaju sa pažnjom i doprinose urednom i lijepom izgledu i uređenju grada.**

*Novčanom kaznom u iznosu od 50,00 do 200,00 KM kaznit će se građanin ukoliko ne postupa u skladu sa navedenim članom.*

## Član 37.

**Zabranjuje se prijelaz teškog vozila preko kolovoza i trgova, kao i prijelaz vozila preko javnih površina van kolovoza, ako bi se kolovoz i javne površine prelaskom vozila uslijed njegove težine, visine ili nekih drugih razloga mogli uništiti ili oštetiti. Ukoliko dođe do oštećenja ili uništenja uslijed nepoštivanja odredbe stava 1. ovog člana, počinitelj štete je dužan oštećene površine sanirati o svom trošku.**

*Novčanom kaznom u iznosu od 50,00 do 200,00 KM kaznit će se građanin ukoliko postupa suprotno odredbama navedenog člana.*

## Član 53.

**Po završetku odobrenih radova izvođač je dužan odmah javnu površinu dovesti u prvobitno stanje i ukloniti sve otpatke s površine na kojoj su se radovi izvodili.**

*Novčanom kaznom u iznosu od 50,00 do 200,00 KM kaznit će se građanin ukoliko postupa suprotno odredbama navedenog člana.*

## Član 58. stav 3, 4, 5

**Table sa nazivima ulica i brojeve zgrada određuje nadležni organ uprave, s tim što brojeve postavljaju vlasnici – korisnici zgrade.**

**Vlasnici i korisnici zgrade dužni su da čuvaju kućne brojeve, koji moraju biti stalno istaknuti na zgradama. U slučaju da broj zgrade zbog nepažnje vlasnika, odnosno korisnika bude skinut ili izgubljen, korisnici zgrada dužni su da izvrše nabavku drugog broja o svom trošku.**

**Vlasnici novoizgrađenih zgrada dužni su odmah, najkasnije tri mjeseca po useljenju postaviti kućni broj o svom trošku.**

*Novčanom kaznom u iznosu od 50,00 do 200,00 KM kaznit će se građanin ukoliko postupa suprotno odredbama navedenog člana.*

## Član 59. Stav 1, 2

**Spoljni dijelovi zgrade i spoljni dijelovi stambenih i poslovnih objekata (fasade, balkoni, simsovi, podesti, ukrasni dijelovi, ograde, oluci, izlazi, vrata, prozori i drugo) moraju se održavati u tehnički ispravnom stanju.**

**Za promjenu spoljnog izgleda zgrade, stambenih i poslovnih objekata ili dijelova zgrada i objekata (fasade, balkoni, simsovi, ukrasni dijelovi, ograde, oluci, izlazi, vrata, prozori i drugo) za postavljanje konzolnih, plastičnih i sličnih tendi, potrebno je pribaviti odobrenje općinskog organa za poslove urbanizma.**

*Novčanom kaznom u iznosu od 50,00 do 200,00 KM kaznit će se građanin ukoliko postupa suprotno odredbama navedenog člana.*

Član 59. stav 5 i 6.

Zabranjeno je na balkonima, lođama i terasama gomilanje starih stvari, ostataka namještaja i sl. predmeta koji narušavaju estetski izgled objekta. Zabranjeno je na prozorima, balkonskim ogradama i drugim dijelovima zgrade, neposredno okrenutim prema ulici ili trgu vješati ili izlagati rublje, posteljину, tepihe ili druge predmete i uređaje.

Sa prozora, balkona, lođa i terasa kao i drugih dijelova zgrada, zabranjeno je istresanje kuhinjskih i drugih krpa, tepiha i sl., bacanje smeća, izlijevanje vode ili na bilo koji drugi način prljanje objekata ili javne površine.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenim članom.

Član 61.

Zabranjeno je prljati ili na drugi način oštećivati zidove, fasade, izloge, druge spoljne dijelove zgrade, ograde, kao i firme, reklame i slične natpise.

Spoljni dijelovi izloga poslovnih prostora moraju se prema potrebi bojiti, staklene površine prati, a prostor ispred i oko objekta mora uvijek biti usklađen, da ne odudara od okoline i u urednom stanju.

Natpisi na objektima iz prethodnog stava moraju se obnavljati, ukoliko su nečitljivi ili je boja izgubila intenzitet.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

Član 89.

Na području općine Tešanj zabranjeno je držanje domaćih životinja i živine, na onim njenim dijelovima za koje su doneseni regulacioni i urbanistički planovi, te urbanistički redovi.

Odredbe prethodnog stava ne odnose se na lovačke pse i kućne ljubimce.

Vlasnici kućnih ljubimaca dužni su za iste obezbjediti redovne veterinarske preglede.

Držanje životinja-kućnih ljubimaca u stambenim i poslovnim objektima dozvoljeno je pod uslovom da se time ne remeti javni red i mir stanara u zgradama kolektivnog stanovanja i sugrađana.

Šetanje kućnih ljubimaca-pasa na javnim površinama može se vršiti samo pod uslovom da je pas na povodcu i da nosi brnjicu na glavi, te da vlasnik sa javnih površina pokupi izmet kućnog ljubimca.

Kućice za boravak pasa mogu se postavljati samo pod uslovom ako su udaljene od susjednog objekta najmanje 6 metara, i najmanje 3 metra od susjedne međe i puta.

Vlasnici domaćih životinja izvan zone zabrane držanja, mogu držati domaće životinje samo pod slijedećim uslovima:

- Kokošinjac, štala (gospodarski objekat) mora biti odgovarajući izgrađen, u svom sastavu mora imati izgrađen dubrovník, osočnu jamu, tor i dr.
- Gospodarski objekt (kokošinjac, štala ili tor) mora biti udaljen 10 m od puta i 15 metara od susjednog objekta, kao i minimalno 3 metra od granice susjedne parcele,
- Neposredna okolina mora biti uvijek besprijekorno čista i dezinfikovana,
- Đubrivo-izmet odlagati isključivo na odgovarajući način propisan ovom Odlukom.



Objekti za stoku moraju imati dubrišne i osočne jame od nepropusnog tvrdog materijala-betona i njihov sadržaj se ne smije rasipati izvan jame.

Pražnjenje jame vršit će se kad se napuni do 2/3 od ukupne zapremine jame.

Pražnjenje đubrovnika i osočnih jama mora se vršiti na higijenski način koji isključuje mogućnost zagađenja.

Objekti za stoku moraju se održavati u čistom stanju.

Novčanom kaznom u iznosu od **50,00** do **200,00** KM kaznit će se građanin ukoliko postupa suprotno odredbama navedenog člana.

Član 90.

Čišćenje snijega je obaveza svih preduzeća, samostalnih privrednika i građana na području općine Tešanj.

Novčanom kaznom u iznosu od **50,00** do **200,00** KM kaznit će se građanin ukoliko postupa suprotno odredbama navedenog člana.

Član 93.

Zabranjeno je:

1. iznošenje i gomilanje snijega iz dvorišta, bašte i drugih slobodnih površina na ulice i trotoare.
2. bacanje snijega ispred zgrade na ulicu,
3. zatrpavanje snijegom i ledom slivnika i šahtova, podzemnih i nadzemnih hidranata,
4. parkiranje vozila na saobraćajnicama uz trotoare i nad slivnicima i šahtovima, ukoliko su kolovoz i trotoari tako očišćeni od snijega i leda da onemogućuju normalno odvijanje saobraćaja i prolaz pješaka.
5. sanjkanje i klizanje na ulicama koje nisu određene za ove svrhe.

Novčanom kaznom u iznosu od **50,00** do **200,00** KM kaznit će se građanin ukoliko postupa suprotno odredbama navedenog člana.

Član 95.

U cilju poboljšanja općeg izgleda i uređenja grada, zaštite i održavanja komunalnog reda, zabranjuje se:

1. svako oštećivanje, prljanje i šaranje kolovoza, trotoara, ivičnjaka, odvodnih kanala, podzemnih i nadzemnih hidranata, spoljnih dijelova, zgrada, fontana, česmi, oglasnih tabli, reklamnih panoa, firmi i drugih sličnih natpisa, trgova, parkova i drugih javnih objekta.
2. bacanje otpadaka i drugih nečistoća u rijeke: Tešanjku, Usoru, potoke, šahtove, slivnike, fontane, javne česme i slične objekte,
3. pranje teretnih i putničkih automobila, zaprežnih kola i drugih vozila na rijekama,
4. oštećivanje i uništavanje vodovodnih i kanalizacionih instalacija (fontana, česmi, hidranata, poklopaca i drugih instalacija),
5. vršenje utovara i istovara građevinskog i drugog materijala i obavljanja drugih sličnih radnji bez prethodnog preduzimanja mjera zaštite kolovoza i zgrada.
6. preduzimanje bilo kakvih radnji (prijevoz, utovar, istovar, montiranje-demontiranje i slično) koji mogu da ugroze saobraćaj, onemogućće nesmetan prolaz građana kolovozom i trotoarom, ukoliko za takvu radnju ne postoji posebno odobrenje nadležnog organa,
7. cijepanje i pilenje drva, razbijanje kamena i obavljanje sličnih grubih radova na kolovozu i trotoaru, kao i čišćenje snijega i leda oštrim predmetima kojim se oštećuju kolovoz i trotoari,
8. kretanje kolovozom i trotoarom građevinskih i drugih vozila i mašina, koja na pogonskim točkovima imaju oštre metalne trake (gusjeničari) koji mogu da oštete kolovoz i trotoar,

9. pisanje masnim bojama i lakovima raznih tekstova po podzidama, kolovozu i trotoarima, ukoliko za takve radnje ne postoji posebno odobrenje nadležnog općinskog organa uprave,
10. postavljanje reklamnih panoa, natpisa na trotoarima, trgovima, ulicama i drugim javnim površinama, ukoliko za to nema posebnog odobrenja nadležnog općinskog organa uprave,
11. prljanje i šaranje saobraćajnih znakova, kao i njihovo oštećivanje i uništavanje,
12. stvaranje prekomjerne buke u naseljenim mjestima, emitovanje govornih i muzičkih emisija putem zvučnika, gramofona, radio aparata, televizora i drugih instrumenata.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenim članom.

Član 98.

Parkovi se mogu graditi na mjestima određenim urbanističkim rješenjem i zasađuju se određenom vrstom drveta i drugog raslinja, koje odgovara funkcionalnom i estetskom izgledu kraja, naselja ili glavnih objekata.

Urbanistička i hortikultura rješenja o veličini i razmještaju i izboru vrste drveća i drugog raslinja, obavezni su za investitora, odnosno izvođača radova prilikom izgradnje i uređenja parkova.

Parkovi služe za odmor, a za druge namjene samo po odobrenju organa nadležnog za poslove urbanizma.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

Član 100. stav 2

Zelene ograde uz ulice, odnosno zelene ograde uz javnu površinu se moraju održavati do visine koja je određena urbanističkom saglasnošću, a najviše 1,2 m, a širina ne smije zauzimati javnu površinu.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

Član 102. stav 1, 2

Drveće u drvoredu mora biti postavljeno na način i u obliku koji najviše odgovara lokalitetu, a ne smije se saditi u neposrednoj blizini kolovoza, na ulazu u dvorište, garaže, na raskrsnicama, trotoarima i na drugim mjestima gdje bi to moglo ugroziti saobraćaj vozila i kretanje pješaka.

Drveće koje nije u zelenoj površini (naročito uz ulice i pored trotoara) treba da ima prostor dovoljan oko svog stabla i ova površina mora biti obrađivana.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenim članom.

Član 103. stav 1, 2

Stabla u drvoredima ne smiju ometati normalnu upotrebu objekata.

Stabla i granje ne smije smetati javnoj rasvjeti, električnim i telefonskim instalacijama i ugrožavati normalno odvijanje saobraćaja.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.



## Član 106.

Sječa stabala sa javnih površina odobrit će se u slijedećim slučajevima:

- ako je stablo potpuno prestalo sa vegetacijom,
- ako postoji opasnost od pada stabla,
- ako stablo svojim postojanjem i rastom ugrožava stabilnost stambenih ili poslovnih objekata,
- u slučajevima kada se stablo nalazi na lokalitetu novoprojektovanog objekta za koji je izdano odobrenje za građenje.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

## Član 107.

Potkresivanje stabala može se odobriti i narediti u slijedećim slučajevima:

- ako je stablo djelimično prestalo da vegetira,
- ako stablo u znatnoj mjeri oštećuje stambene i poslovne objekte,
- ako stablo oštećuje instalacije komunalne infrastrukture,
- u slučajevima kad Služba ocjeni da stablo svojim postojanjem i rastom utiče na uslove življenja stanara okolnih objekata.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

## Član 112.

Lice koje učini štetu na zelenim površinama, svojim štetnim radnjama, upotrebom vozila i sl. obavezno je nadoknaditi pričinjenu štetu. Stvorena šteta procjenjuje se prema hortikulturnoj vrijednosti pojedine biljke ili oštećenog objekta ili površine, prema cjenovniku pravnog ili fizičkog lica kome je povjereno održavanje zelenih površina, odnosno po nalazu stručne osobe (inženjer šumarstva, inženjer građevinarstva i sl).

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

## Član 114.

Podzemne i nadzemne instalacije (vodovod, kanalizacija, hidrantska mreža, PTT i drugo) mogu se postavljati unutar postojećih zelenih površina, ali samo uz prethodnu saglasnost i pod uslovima utvrđenim od strane nadležnog općinskog organa uprave.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenim članom.

## Član 115. stav 2

Po završetku radova iz stava 1. ovog člana investitor, odnosno izvođač radova obavezan je odmah zelenu površinu dovesti u prvobitno stanje, a prema uslovima koji su određeni kod odobrenja za izvođenje radova.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

**Namirnice iz stava 1. ovog člana moraju biti zaštićene od prašine i insekata.**

*Novčanom kaznom u iznosu od 50,00 do 200,00 KM kaznit će se građanin ukoliko postupa suprotno odredbama navedenog člana.*

Član 129.

**Na pijaci za prodaju životnih namirnica, zabranjeno je:**

- 1. bacanje otpadaka van posude za otpatke i prljanje pijačnih objekata, uređaja i opreme,**
- 2. oštećenje pijačnih objekata, uređaja i opreme,**
- 3. izlaganje prodaji proizvoda van mjesta određenog za prodaju tih proizvoda.**

*Novčanom kaznom u iznosu od 50,00 do 200,00 KM kaznit će se građanin ukoliko postupa suprotno odredbama navedenog člana.*

Član 26. stav 3

**Građani i drugi korisnici, odnosno vlasnici objekata na području općine koje nije obuhvaćeno Programom komunalne higijene moraju ukloniti kućno i drugo smeće i to na organizovan način.**

**Na području obuhvata iz stava 1. ovog člana, strogo je zabranjeno bacanje smeća i drugih otpadnih materija na obale, u korita, u vodotoke, u blizini objekata za snabdjevanje vodom, te na sva druga mjesta koja nisu predviđena za odlaganje otpada.**

*Novčanom kaznom u iznosu od 200,00 do 400,00 KM kaznit će se građanin ukoliko postupa suprotno odredbama navedenog člana.*

*Za prekršaj iz ovog člana komunalni inspektor može izdati prekršajni nalog ili podnijeti prekršajnu prijavu.*

Član 34.

**Vlasnici i korisnici poslovnih i stambenih zgrada, te vlasnici i korisnici parcela, koje se nalaze pored ulica i puta gdje postoji kanal za odvođenje atmosferskih voda, dužni su o svom trošku izgraditi prijelaz preko jarka do svog objekta-parcele, isti održavati radi slobodnog protoka atmosferskih voda.**

**Zabranjeno je u ucjevljene propuste iz stava 1. ovo člana uključivati kanalizaciju ili ispuštati sadržaj septičke jame.**

**Uslovi izrade prilaza utvrđuje se urbanističkom saglasnošću.**

Član 116.

**U cilju zaštite zelenih površina i njihovog održavanja u gradu, odnosno gradskom području, zabranjuje se:**

- 1. obaranje i uklanjanje drveća i panjeva bez prethodnog odobrenja nadležnog organa,**
- 2. obrezivanje i skidanje vrhova ukrasnog drveća i grmlja bez prethodnog odobrenja nadležnog organa,**
- 3. branje lipovog cvijeta i drugih plodova,**
- 4. bacanje papira i otpadaka, istresanje smeća, pepela, bacanje obrezanog šiblja, grmlja i slično na zelene površine,**
- 5. kopanje i odnošenje humusa, korijenja, pijeska i drugih sastojaka sa zelenih površina,**
- 6. zagrađivanje zelenih površina oko zgrade i drugih objekata,**
- 7. oštećivanje opreme, zelenih površina, ograde, ogradnih stubova, stabala, žica, naprava za igru, korpi za otpatke i drugo,**
- 8. lijepljenje i pričvršćivanje plakata po stablima,**
- 9. postavljanje reklamnih panoa, stolova i drugih objekata na javnim površinama, bez prethodno pribavljenog odobrenja nadležnog organa,**

10. ispuštanje otpadnih voda i drugih sredstava na zelene površine, odnosno javne površine,
11. vožnja biciklom i motornim vozilo, parkiranje na zelenim površinama gdje to nije dozvoljeno, osim vozila koja se kreću u svrhu održavanja zelenih površina,
12. loženje vatre i uskladištenje ogrjeva,
13. igra i zabava na mjestu gdje to nije dozvoljeno,
14. omotavanje armaturnog željeza i drugih metala oko stabla za njegovo razvlačenje,
15. ležanje, spavanje i stajanje na parkovskim klupama i njihovo polijevanje,
16. držanje u neurednom stanju prostora oko zgrade za kolektivno stanovanje, kao i prostor u privatnoj imovini, a koji se nalazi do javne prometne površine,
17. držati u neurednom stanju okolinu stambenog i poslovnog prostora, a pogotovo onu koja se nalazi do javne prometne površine.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenog člana.

Član 126. stav 3, 4, 5, 6

Pijaca treba biti popločana ili asfaltirana i ograđena čvrstom ogradom. Zelena pijaca, također mora imati obezbjeđenu higijenski pitku vodu i higijenski nužnik. Na pijaci se trebaju obilježiti pojedina prodajna mjesta tablama sa natpisima za prodaju pojedinih vrsta namirnica (Npr. mliječni proizvodi, voće i povrće, žitarice i sl).

Zabranjena je prodaja životnih namirnica na zemlji, izuzev žitarica, bundeva, dinja, lubenica, većih količina paprika, kupusa, krompira, luka i sl.

Također je zabranjeno prodavanje lubenica i dinja sječenih na kriške-komade.

Za prodaju životnih namirnica moraju biti obezbjeđeni stolovi-tezge sa glatkom površinom koje se mogu lako očistiti i koje moraju biti natkrivene.

Novčanom kaznom u iznosu od **50,00 do 200,00 KM** kaznit će se građanin ukoliko postupa suprotno odredbama navedenim članom.

Član 127.

Nezapakovane životne namirnice koje se prije jela ne peru moraju se usluživati odgovarajućim čistim priborom (lopatice, hvataljke, noževi, kašike i sl). Navedeni pribor ne smije se davati kupcima radi isprobavanja namirnica.

Vlasnici i korisnici objekata i poljoprivrednog zemljišta, kao i drugog zemljišta koje se nalazi pored ulice ili puta ne mogu atmosferske vode skretati (usmjeravati) na ulice ili put radi zaštite svojih objekata i zemljišta.

Poprečni putni propusti (ispod puta, ceste, ulice i sl), ne smiju se namjerno zatrpavati radi preusmjeravanja površinskih voda i zaštite ličnih interesa..

Novčanom kaznom u iznosu od **200,00 do 400,00 KM** kaznit će se građanin ukoliko postupa suprotno odredbama navedenim članom.

Član 95.

U cilju poboljšanja općeg izgleda i uređenja grada, zaštite i održavanja komunalnog reda, zabranjuje se:

1. svako oštećivanje, prljanje i šaranje kolovoza, trotoara, ivičnjaka, odvodnih kanala, podzemnih i nadzemnih hidranata, spoljnih dijelova, zgrada, fontana, česmi, oglasnih tabli, reklamnih panoa, firmi i drugih sličnih natpisa, trgova, parkova i drugih javnih objekta.

2. bacanje otpadaka i drugih nečistoća u rijeke: Tešanjku, Usoru, potoke, šahtove, slivnike, fontane, javne česme i slične objekte,
3. pranje teretnih i putničkih automobila, zaprežnih kola i drugih vozila na rijekama,
4. oštećivanje i uništavanje vodovodnih i kanalizacionih instalacija (fontana, česmi, hidranata, poklopaca i drugih instalacija),
5. vršenje utovara i istovara građevinskog i drugog materijala i obavljanja drugih sličnih radnji bez prethodnog preduzimanja mjera zaštite kolovoza i zgrada.
6. preduzimanje bilo kakvih radnji (prijevoz, utovar, istovar, montiranje-demontiranje i slično) koji mogu da ugroze saobraćaj, onemogućće nesmetan prolaz građana kolovozom i trotoarom, ukoliko za takvu radnju ne postoji posebno odobrenje nadležnog organa,
7. cijepanje i pilenje drva, razbijanje kamena i obavljanje sličnih grubih radova na kolovozu i trotoaru, kao i čišćenje snijega i leda oštrim predmetima kojim se oštećuju kolovoz i trotoari,
8. kretanje kolovozom i trotoarom građevinskih i drugih vozila i mašina, koja na pogonskim točkovima imaju oštre metalne trake (gusjeničari) koji mogu da oštete kolovoz i trotoar,
9. pisanje masnim bojama i lakovima raznih tekstova po podzidama, kolovozu i trotoarima, ukoliko za takve radnje ne postoji posebno odobrenje nadležnog općinskog organa uprave,
10. postavljanje reklamnih panoa, natpisa na trotoarima, trgovima, ulicama i drugim javnim površinama, ukoliko za to nema posebnog odobrenja nadležnog općinskog organa uprave,
11. stvaranje prekomjerne buke u naseljenim mjestima, emitovanje govornih i muzičkih emisija putem zvučnika, gramofona, radio aparata, televizora i drugih instrumenata.

Novčanom kaznom u iznosu od **200,00 do 400,00 KM** kaznit će se građanin ukoliko postupa suprotno odredbama navedenim članom.

Član 134.

Ako izvršilac prekršaja ne postupi po rješenju komunalnog inspektora, naređenu radnju, (uklanjanje, čišćenje, popravak, zamjenu i sl.), izvršit će komunalni inspektor putem JP „RAD“ doo Tešanj ili drugog pravnog ili fizičkog lica o trošku i na rizik počinioca prekršaja.

Novčanom kaznom u iznosu od **200,00 do 400,00 KM** kaznit će se građanin ukoliko postupa suprotno odredbama navedenim članom..

Član 135.

Pravna i fizička lica dužna su komunalnom inspektor i komunalnom redaru omogućiti nesmetano obavljanje nadzora, a posebno pristup do prostorija objekta, zemljišta, uređaja i naprava, zatim dati lične podatke, kao i pružiti druga potrebna obavještenja.

Ako komunalni inspektor i komunalni redar naiđu na otpor, zatražit će pomoć od nadležne policijske uprave i drugih nadležnih organa državne uprave.

Novčanom kaznom u iznosu od **200,00 do 400,00 KM** kaznit će se građanin ukoliko postupa suprotno odredbama navedenim članom.

Član 144


Novčanom kaznom u iznosu od **100,00 KM** kaznit će se građanin, ako ne postupi po rješenju komunalnog inspektora.

Član 145.

Za prekršaj iz ove Odluke koji izvrši maloljetnik kaznit će se roditelj, usvojlac, odnosno staratelj koji propusti dužnost staranja o maloljetniku.

Član 146.

U slučaju spora između korisnika komunalnih usluga i davaoca usluga nadležan je redovni sud.



# Eko akcija

Kontaktiraj

Početna

- ▶ Vijesti
- ▶ Komentari
- ▶ Zaštićena područja
- ▶ Dokumenti
- ▶ Okolinski zakoni
- ▶ Forum

Korisnik: \*

Šifra: \*

- Otvori novi račun
- Zatraži novi password

aerozagađenje bespravna gradnja Bosna i Hercegovina Federacija BiH hidroelektrane Iguan-Bjelasnica-Treskavica-Visocica Livno Ravno Sarajevo smeće u prirodi Vjetrenica Vrelo Bosne zagađenje izvora vode zagađenje rijeke Zenica sve kategorije ...

## Čudo iz Tešnja



### JA ZNAM ŠTA HOĆU I ŠTA MORAM - A VI????

Evo već mjesec tačno otkako je potpisan ugovor između škola sa područja Tešnja, EKO MLADIH i firme OMORIKA iz Doboja oko prikupljanja PET ambalaže, njenog odvoza i plaćanja mališanima.

#### Ideja

Ideja se rodila još u januaru mjesecu 2009.godine. Tada sam sklopio ugovor sa firmom OMORIKA Dobjoj, u kojoj sam 2006.godine završio sa projektom ISO 9001:2000 u Rudanci gdje su prostrojenja za brizganje i duvanje PET ambalaže. Potpisali smo i ugovor o proširenju projekta i na liniju reciklaža (ove godine uspješno prešli i na ISO 9001:2008, te prikupili i pogone reciklaže!).

Vlasnik je krajem 2008.godine otvorio novo prostrojenje u Jhovcu tj. Mali Prnjavor i mene je jako zanimala ta tehnologija. Otišao sam dale da to sve uživo vidim.



Oduševljen i onda pošto sam u toj firmi već domaći, predložih prijatelju Tesli, inače alfa i omega u firmi, da nekako sagledam mogućnost da se iz Tešnja počne dovlačiti PET ambalaža na reciklažu. I da on pomogne oko prijevoza da to bude usklupo kada se kamioni prazni vraćaju iz Tešnja. Kaže: **Zašto da ne?!**

Imao sam sreću da me 2004.godine USAID počasti naučnom ekskurzijom u Poljsku i baš je tema bila zemlje u tranziciji i ekologija.... Otuda me vuče nekako da se uključim, da pokrenem. Zašto i mi ne bi mogli kao oni???? Gdje je to zapelo?

Radeći projekte ISO u tešanjskim firmama za flaširanje vode, te radeći i u ovim firmama što proizvode PET ambalažu OMORIKA - Dobjoj, Bosnaplast - Bosanski Petrovac, Pivara Tuzla i kao auditor bio u BOŽIĆ PLAST Sočkovac, dobio sam jednu sliku koliko toga se proizvede.

Direktor firme OMORIKA Dobjoj se odlučio na prvi korak, dosta rizično, sam bez Zakona o otkupu PET ambalaže...

Utorak 19.4.2011
Događaji
Bosanski
Pretraga
Korisnički dio





Početna
Aktuelnosti
Podaci o općini
Javna preduzeća i ustanove
Uprava
E-Uprava
Kontakt


Početna > Aktuelnosti > Novosti > Čišćenje putnih pojava

### Čišćenje putnih pojava

Subota, 19 Mart 2011 09:12



Iako je zbog kiše akcija čišćenja putnih pojava, koja se trebala realizovati 19. i 20. marta ove godine odgođena, dionica magistralnog puta Kalošević-Jelah je uspješno očišćena akcijom radnika firme *Dobojputevi* koji su se uključili u akciju čišćenja općine Tešanj. Na ovaj dionci je skupljeno preko 200 vreća otpada koje je KP RAD prevezlo na deponiju smeća. Akcija čišćenja putnih pojava će se održati narednog vikenda, 26. i 27. marta.



#### Kalendar

Mar							April 2011							Maj						
N	P	U	S	Č	P	S	N	P	U	S	Č	P	S	N	P	U	S	Č	P	S
3	4	5	6	7	8	9	10	11	12	13	14	15	16	17	18	19	20	21	22	23
24	25	26	27	28	29	30														


#### Meni

Zatvori sve | Otvori sve

- Početna
- ⊕ Aktuelnosti
- ⊕ Podaci o općini
- ⊕ Javna preduzeća i ustanove
- ⊕ Uprava
- ⊕ E-Uprava
- Kontakt



Utorak 19.4.2011      Događaji:      Bosanski      Pretraga      Korisnički dio




Početna      Aktuelnosti      Podaci o općini      Javna preduzeća i ustanove      Uprava      E-Uprava      Kontakt

Početna > Aktuelnosti > Novosti > Akcija čišćenja putnih pojava


### Akcija čišćenja putnih pojava

Subota, 26 Marti 2011 12:55



Akcija uređenja lokalnih puteva koja je odgođena prošlog vikenda zbog kiše, provodi se danas i sutra na svim putnim pojasiima na području općine Tešanj.

*Danas i sutra planiramo očistiti oko 100 km puteva. Za 15. april planiramo još jednu akciju uređenja, kazao je saradnik za ekologiju u Općini Tešanj*



Sabahudin Omerbašić.

U akciji učestvuju mnogobrojni privrednici i firme, predstavnici udruženja građana i NVO, predstavnici Islamske zajednice (učenici mektebske nastave), kao i i mnogobrojni građani sa područja općine Tešanj.

Ovim putem, još jednom pozivamo sve zainteresovane građane, udruženja i privrednike da uzmu učešće u čišćenju putnih pojava uz sve ceste općine Tešanj.

#### Kalendar

Mar		April 2011				Maj	
N	P	U	S	Č	P	S	
					1	2	
3	4	5	6	7	8	9	
10	11	12	13	14	15	16	
17	18	19	20	21	22	23	
24	25	26	27	28	29	30	

#### Meni

Zatvori sve | Otvori sve

- [-] Početna
- [+] Aktuelnosti
- [+] Podaci o općini
- [+] Javna preduzeća i ustanove
- [+] Uprava
- [+] E-Uprava
- [+] Kontakt



**Mladi prave čuda...**

**Došlo je vrijeme da se ugledamo na njih!**

**Samo zajedno možemo napraviti sredinu EKOLOŠKE SVIJESTI, čistoće i reda.**